



**FAKULTET
POLITIČKIH
NAUKA**

A Skenderija 72, 71000 Sarajevo, BiH

M dekanat@fpn.unsa.ba
W www.fpn.unsa.ba

T +387 33 203 562
F +387 33 666 884

Broj: 02-13-1185-1/19
Sarajevo, 21.10.2019. godine

Na osnovu člana 90. Zakona o visokom obrazovanju Kantona Sarajevo (Službene novine Kantona Sarajevo broj 33/17) i člana 174. Statuta Univerziteta u Sarajevu, Disciplinska komisija Fakulteta političkih nauka na sjednici održanoj 21.10.2019. godine **donijela je**

ODLUKU O utvrđivanju disciplinske odgovornosti

[REDACTED] studentu odsjeka Politologija, usmjerenje Međunarodni odnosi i diplomatija Fakulteta političkih nauka Univerziteta u Sarajevu, izriče se disciplinska mjera **JAVNA OPOMENA**, a zbog utvrđene teže povrede obaveza: krivotvorenje isprava u vezi sa studijem i ostvarivanjem studentskih prava, predviđene članom 173. stav (3) tačka a) Statuta Univerziteta u Sarajevu.

Obrazloženje: Viši stručni saradnik Vahdeta Hodžić podnijela je Zahtjev za pokretanje disciplinskog postupka protiv studenta **[REDACTED]** dana 14.10.2019. godine, na osnovu kojeg je dekan Fakulteta političkih nauka Univerzitet u Sarajevu - prof.dr. Sead Turčalo donio Odluku o pokretanju disciplinskog postupka br. 01-3-1152-3/19, 16.10.2019. godine.

Disciplinska komisija (u sastavu prof.dr. Valida Repovac Nikšić-predsjednik, doc.dr. Emir Vajzović- član i predstavnik studenata Ermin Bašaškić- član) je dana 21.10.2019. godine u 11 h na sjednici u okviru javne rasprave, upoznala studenta **[REDACTED]** o postupku utvrđivanja discipline odgovornosti koji se vodi protiv njega. Komisija je konstatovala, uvidom u dostavljenu dokumentaciju od strane više stručne saradnice Vahdete Hodžić da je student **[REDACTED]** izvršio samostalno potpisivanje za predmetne profesore III i IV semestar (potpisani predmeti su položeni) u svoj index u dijelu gdje se vrši ovjera semestra te nastavnik potvrđuje prijavu i uredno pohađanje. Student **[REDACTED]** pozvan je da se izjasni o tome da li je (i ako jeste zašto je) izvršio navedeno upisivanje. Student je navedeno priznao uz objašnjenje „da nije bio svjestan šta čini, a to mu se tada činilo kao nešto što ne može izazvati veće posljedice te da mu je žao“.

Na temelju svega navedenog, a uzimajući u obzir težinu povrede, značaj upoznavanja ostalih studenata o ozbiljnosti ovakvog postupka, kao i posljedice koje ovakva povreda može da izaziva, Disciplinska komisija je jednoglasno odlučila da donese Odluku kao u dispozitivu.

Pouka o pravnom lijeku: Protiv Odluke Disciplinske komisije dopuštena je žalba Vijeću Fakulteta u roku od 15 dana od dana prijema prvostepene Odluke. Odluka Vijeća je konačna.

PREDSJEDNIK DISCIPLINSKE KOMISIJE

Prof.dr. Valida Repovac Nikšić

Dostaviti:

1. [REDACTED] lično;
2. U dosije studenta [REDACTED];
3. Prof.dr. Validi Repovac Nikšić;
4. www.fpn.unsa.ba
5. a/a